

Powšitkowne WOZJEWJENJA

njedźelu, 2. apryla 2017

Přiležnosć k swjatej spowědži w Róžeńće

sobotu, 8. apryla 17.00 - 18.00 hodž.	farar M. Anders, farar W. Sćapan, farar D. Dzikiewicz, farar B. Jakubaš
póndźelu, 10. apryla 18.30 - 19.30 hodž.	farar M. Anders, farar D. Dzikiewicz, kapłan G. Malinowski, farar J. Magiera
wutoru, 11. apryla 18.30 - 19.30 hodž.	farar M. Anders, farar M. Nawka, farar G. Wornar, farar St. Börner

Zhromadny dzeń za 7. a 8. lětnik

Pod hesłom „TY pokazaš nam puć!“ přeprašuje dekanatne dušepastyrstwo šulerki a šulerjow 7. a 8. lětnika sobotu, 8. apryla, wot 9.00 do 14.00 hodž. do Don Boskowneho domu we Worklecach. Na tutym dnju maja wobdźělnicy mjez druhim přiležnosć, přijimać sakrament wujednanja. Zajimcy njech so prošu hač do wutory, 4. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja 4 eura.

Zhromadny dzeń za 1. a 2. lětnik

Pod hesłom „Jězus z mrtwych stanył je, haleluja!“ přeprašuje dekanatne dušepastyrstwo džěci 1. a 2. lětnika štwórtk, 20. apryla, wot 9 do 15 hodž. do Don Boskowneho domu we Worklecach. Zajimcy njech so prošu hač do wutory, 11. apryla, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdźělnika přinošk, kotryž wučinja 4 eura.

„Jědźk a lěnjoch“ posledni raz

Poslednje předstajenje komedije „Jědźk a lěnjoch“, kotruž zahraje dźiwadłowa skupina Bratrowstwa, budže tutu njedźelu, 2. apryla, w 17.30 hodž. w Starym dwórnišću w Kulowje (ze simultanim přeložkom). Zajimcy su wutrobnje přeprašeni.

Křižowy puć młodžiny

Bołmončku, njedźelu, 9. apryla, chcemy so w Njebjelčicach křižowy puć modlić. Zetkamy so w 14 hodž. při cyrkwi. Přeprašujemy wšitkich młodostnych, křižowy puć sobu kročić. Kóžda wosadna młodžina njech přinjese prošu swoju dekanatnu młodžinsku chorhoj sobu.
Farar Gabriš Nawka, Lucija a deka-kružk

Zhromadźizna towarstwa Worklečanskeje kapałki

Towarstwo Worklečanskeje kapałki Marije maćerje Božeje přepraša svojich sobustawow pjatk, 7. apryla, na swoju hłownu zhromadźiznu. Spočatk je w 19 hodž. ze zhromadnym křižowym pućom (němsce) we Worklečanskej kapałce.